

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Pregled aktivnosti Saveza na pripremi izmjena i dopuna Zakona o pripadnosti javnih prihoda	1
Centralna izborna komisija objavila utvrđene izborne rezultate	3
Međuopćinska saradnja mikroregije Tešanj-Teslić-Žepče	4
Dodijeljena finansijska sredstva Općini Bosanski Petrovac za izgradnju dijela kanalizacionog sistema	5
Grad Sarajevo zvanično primljen u V fazu mreže zdravih gradova	5
JKP Čapljina dobilo kamion specijaliziran za odvoženje otpada	6
U Općini Hadžići proveden certifikacijski audit	6
Adaptacija i dogradnja Doma kulture u Olovu	6
Općina Bosanska Krupa i Fondacija Mozaik potpisale Memorandum o razumijevanju	7
Brčko Distrikt BiH započeo realizaciju projekta prevencije i borbe protiv korupcije	7
Bratimili se Općina Stari Grad i Grad Kragujevac	8
Regionalna saradnja i sprovođenje Evropske povelje za ravnopravnost žena i muškaraca na lokalnom nivou	8

Bilten Saveza općina i gradova Federacije Bosne i Hercegovine

PREGLED AKTIVNOSTI SAVEZA OPĆINA I GRADOVA FEDERACIJE BiH NA PRIPREMI IZMJENA I DOPUNA ZAKONA O PRIPADNOSTI JAVNIH PRIHODA

Predsjedništvo Skupštine Saveza općina i gradova FBiH je, na sjednici održanoj 05.10.2011. godine u Neumu, predložilo Vladi FBiH dva člana za imenovanje u Radnu grupu za analizu i pripremu rješenja u oblasti pripadnosti javnih prihoda u Federaciji BiH i izradu prijedloga novog Zakona o pripadnosti javnih prihoda u Federaciji BiH:

- Hakija Osmić, načelnik Općine Zavidovići

- Emir Dedović, pomoćnik načelnika za finansije u Općini Novi Grad Sarajevo

Vlada FBiH je na sjednici održanoj 09.11.2011. godine imenovala Radnu grupu za analizu i pripremu rješenja u oblasti pripadnosti javnih prihoda u Federaciji BiH i izradu prijedloga novog Zakona o pripadnosti javnih prihoda u Federaciji BiH, u sastavu: Ante Krajina (predsjednik), Hajrudin Hadžimehanović, Salko Selman, Senahid Šaković, Almedin Aliefendić, Slaviša Šućur, Jasmina Zubić, Nermine Eminović, Aida Salihagić, Ana Dominković, Edina Kurević, Amra Babić, Muhidin Pleh, Fatima Karajko, Vejsil Cokoja, Predrag Kožul, Muhamed Kozadra, Jakov Ursa, **Hakija Osmić, Emir Dedović (ispred Saveza općina i gradova FBiH)** i Bego Murtić (članovi) i Anisa Bandić (stručno lice). Zadatak Radne grupe je bio da do 30.6.2012. godine izradi analizu stanja u oblasti javnih prihoda u FBiH, te predloži rješenja postavljenih problema i poboljšanje uređenja u oblasti javnih prihoda, na osnovu čega bi se definirao najbolji zakonski okvir u ovoj oblasti.



Sjednica Predsjedništva Saveza - NEUM, 05.10.2011.



Sa tematske sjednice - SARAJEVO, 15.12.2011.

Kao priprema za predstojeće aktivnosti Radne grupe, dana 15.12.2011. godine održana je prva Tematska sjednica Komisije za ekonomski/gospodarski razvoj općina i gradova i finansije/financije Saveza i pomoćnika načelnika za finansije/financije u Federaciji Bosne i Hercegovine u Sarajevu. Sjednici su prisustvovala 72 učesnika iz jedinica lokalne samouprave u FBiH. U toku diskusije vođene na Tematskoj sjednici iskristalisala su se pojedina pitanja, čije rješavanje je od vitalnog

interesa za jedinice lokalne samouprave u Federaciji Bosne i Hercegovine:

- Potrebno je Zakonom o pripadnosti javnih prihoda u FBiH utvrditi definiciju javnih prihoda.
- Potrebno je sistemski analizirati raspodjelu javnih prihoda, i efekte Zakona o pripadnosti javnih prihoda u FBiH.
- Potrebno je povećati učešće jedinica lokalne samouprave u raspodjeli prihoda sa Jedinstvenog računa.
- Potrebno je zakonskim putem riješiti pitanje raspodjele prihoda sa Jedinstvenog računa jedinicama lokalne samouprave u Kantonu Sarajevo.
- Potrebno je uvesti novi vid prihoda, koji će predstavljati isključivo prihode jedinica lokalne samouprave.
- Potrebno je riješiti pitanje finansiranja izrazito nerazvijenih i manjih općina u Federaciji BiH.

Crna Gora ušla u program Evropa za građane	9
Međunarodna konferencija: Budućnost fiskalne decentralizacije u jugoistočnoj Evropi	9
Međunarodna konferencija i radionica o javno-privatnom partnerstvu u transport i putnoj infrastrukturi	9
LAF Study Tour on Sustainable Urban Mobility	10
LAF Study Tour on Conservation of Cultural Heritage	11

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

- Efekti modela i finansijska kriza su u velikoj mjeri pogodili prihode velikih općina. Potrebno je razmotriti na koji način se njihova situacija može popraviti.
- Potrebno je raspodjelu prihoda od Poreza na dohodak u Zakonu o pripadnosti javnih prihoda u FBiH utvrditi u odnosu 50% jedinicama lokalne samouprave, a 50% kantonima.
- Potrebno je izvršiti reviziju podataka koji se koriste prilikom izračunavanja koeficijenta u Zakonu o pripadnosti javnih prihoda u FBiH, a čiji je izvor Federalni zavod za statistiku.
- Potrebno je uraditi reviziju kriterija unutar modela raspodjele javnih prihoda u FBiH.
- Potrebno je razmotriti raspodjelu prihoda od Poreza na dobit i federalnim zakonom jedinicama lokalne samouprave dodijeliti značajan udio u ovom prihodu.
- Potrebno je razjasniti pitanje na koji način se vrši otpлата vanjskog duga FBiH. Pitanje je da li i općine i u kojoj mjeri općine i gradovi u Federaciji BiH učestvuju u otplati ukupnog vanjskog duga Federacije BiH, pogotovo sa aspekta MMF Stand by aranžmana.
- Komunalne naknade / takse se različito tretiraju u kantonima; potrebna je analiza situacije i sistemsko rješenje ovog pitanja na nivou FBiH.
- Potrebno je definisati odnos jedinica lokalne samouprave sa Poreskom upravom i pitanje prikupljanja javnih prihoda koji pripadaju JLS.
- Potrebno je razmotriti pitanje troškova obrazovanja, koje snose općine i gradovi u FBiH.

19.12.2012. godine održan je **Prvi sastanak Radne grupe** na kojoj je Emir Dedović iznio stav Saveza formiran na Tematskoj sjednici 15.12.2012. godine. Svi materijali sa prvog sastanka Radne grupe uključujući i **Simulator modela – model raspodjele prihoda sa Jedinstvenog računa**, koji nudi mogućnost da se svaka pojedinačna općina sa svojim prijedlozima uključi u izradu prijedloga novog Zakona o pripadnosti javnih prihoda u FBiH, dostavljeni su jedinicama lokalne samouprave 10.01.2012.godine.



Prvi sastanak Radne grupe - SARAJEVO, 19.12.2011.

01.02.2012. godine održana je **Druga tematska sjednica Komisije za ekonomski/gospodarski razvoj općina i gradova i finansije/financije i pomoćnika načelnika za finansije/financije u Federaciji Bosne i Hercegovine** u sali Općine Centar na kojoj se vodila diskusija o inicijativama dostavljenim od strane općina za izmjene Zakona o pripadnosti javnih prihoda u FBiH. Na sjednici je postignut konsenzus oko prijedloga koji se tiču suštinskih izmjena sistema i Zakona o pripadnosti javnih prihoda u FBiH, te su ovi prijedlozi upućeni Radnoj grupi na razmatranje. Ovoj sjednici prisustvovali su, između ostalih, pomoćnici načelnika za finansije iz općina Kantona Sarajevo (Općina Novo Sarajevo, Općina Stari Grad Sarajevo, Općina Hadžići, Općina Vogošća, Općina Ilidža, Grad Sarajevo, Općina Trnovo, Općina Centar i Općina Novi Grad Sarajevo).

19.03.2012. godine održan je **Drugi sastanak Radne grupe** za analizu i pripremu rješenja u oblasti pripadnosti javnih prihoda u Federaciji Bosne i Hercegovine i izradu prijedloga novog Zakona o pripadnosti javnih prihoda u Federaciji Bosne i Hercegovine. **Osnovna diskusija vođena na ovom sastanku ticala se izmjena kriterija za raspodjelu među kantonima.** Diskusija o izmjeni kriterija za raspodjelu među jedinicama lokalne samouprave je započeta, ali ne i okončana na održanim tematskim sjednicama Komisije i sastancima Radne grupe. Članicama Saveza omogućeno je dodatno vrijeme da se izjasne po ovom pitanju.

17.04.2012. godine na Osamnaestoj sjednici Predsjedništva Saveza, održanoj u Općini Stari Grad Sarajevo, donesen je **Stav Predsjedništva Saveza općina i gradova FBiH vezano za izmjene kriterija za horizontalnu raspodjelu sredstava sa Jedinstvenog računa koji pripadaju jedinicama lokalne samouprave**, te je isti dostavljen Radnoj grupi na razmatranje.



Druga tematska sjednica Komisije,
01.02.2012



18. sjednica Predsjedništva
Saveza - STARI GRAD 17.04.2012

28.05.2012. godine održan je **Treći sastanak Radne grupe** za analizu i pripremu rješenja u oblasti pripradnosti javnih prihoda u Federaciji Bosne i Hercegovine i izradu prijedloga novog Zakona o pripadnosti javnih prihoda u Federaciji Bosne i Hercegovine. **Težište diskusije ovog sastanka bila je problematika otplate vanjskog i unutrašnjeg duga u Federaciji BiH. Nakon duže rasprave zaključeno je da se Vladi Federacije BiH uputi inicijativa za formiranje Komisije (tijelo) čiji će opis poslova uključivati utvrđivanje stanja javnog duga i definiranje koji dugovi će imati zajedničku otplatu.** Članovi te Radne grupe trebaju biti predstavnici FBiH, kantona i općina. Drugi zadatak ovog radnog tijela treba biti pokretanje pitanja zakonske regulacije budućeg zaduživanja.

20.06.2012. godine održan je **Četvrti sastanak Radne grupe** za analizu i pripremu rješenja u oblasti pripradnosti javnih prihoda u Federaciji Bosne i Hercegovine i izradu prijedloga novog Zakona o pripadnosti javnih prihoda u Federaciji Bosne i Hercegovine. **Na sastanku su još jednom prezentirani svi pristigli prijedlozi za izmjene Zakona o pripadnosti javnih prihoda u Federaciji BiH, te su pojedinačno diskutovana i pojašnjena pitanja i dileme vezane za prijedloge.**

Zaključeno je da će se glavne korekcije postojećeg Zakona sastojati u izmjenama horizontalne raspodjele između kantona, te u prihvatanju predloženih rješenja za jedinice lokalne samouprave u Kantonu Sarajevo.

Pored ovih izmjena, zaključak Radne grupe bio je da se jedinicama lokalne samouprave dodijeli 15% od Poreza na dobit, te da se poduzmu koraci ka rješenju pitanja otplate vanjskog duga FBiH.

Predložene su i izmjene indeksa nerazvijenosti za jedinice lokalne samouprave: kao ključna odrednica ovog indeksa predložen je porez na dohodak uz uvođenje raspona za općine ispod federalnog prosjeka po prihodima od poreza na dohodak.

18.07.2012. godine dostavljene izmjene i dopune Zakona o pripadnosti javnih prihoda u Federaciji BiH na izjašnjavanje.

09.08.2012. godine održana je sjednica Komisije za ekonomski/gospodarski razvoj općina i gradova i finansije/financije Saveza. Na sjednici Komisije doneseni su zaključci vezano za dostavljene izmjene i dopune Zakona o pripadnosti javnih prihoda u FBiH, te su iste dostavljene Radnoj grupi na razmatranje.

08.10.2012. godine održan je **Peti sastanak Radne grupe** za analizu i pripremu rješenja u oblasti pripradnosti javnih prihoda u Federaciji Bosne i Hercegovine i izradu prijedloga novog Zakona o pripadnosti javnih prihoda u Federaciji Bosne i Hercegovine. **Na ovom sastanku ponovo je razmatrano pitanje dodjele postotka od Poreza na dobit jedinicama lokalne samouprave. Zaključak sastanka je bio da se matematički precizno izračuna negativan uticaj reformi Poreza na dobit i Poreza na dohodak na prihode jedinica lokalne samouprave, te da se jedinicama lokalne samouprave ovaj postotak nadoknadi.**

15.10.2012. godine održan je **Šesti sastanak Radne grupe** za analizu i pripremu rješenja u oblasti pripradnosti javnih prihoda u Federaciji Bosne i Hercegovine i izradu prijedloga novog Zakona o pripadnosti javnih prihoda u Federaciji Bosne i Hercegovine. **Na ovom sastanku je zaključeno da se jedinicama lokalne samouprave poveća postotak od Poreza na dohodak za 6,3%.**

CENTRALNA IZBORNA KOMISIJA OBJAVILA UTVRĐENE IZBORNE REZULTATE

SARAJEVO, 23. oktobar/listopad – Centralna izborna komisija BiH je na jučerašnjoj sjednici donijela Odluku o utvrđivanju i objavljivanju rezultata Lokalnih izbora 2012. godine. Rezultati su objavljeni po izbornim jedinicama, po nivoima za načelnike/gradonačelnike i za općinska vijeća/skupštine općina/skupštine gradova, po biračkim mjestima, po političkim subjektima i po kandidatima sa utvrđenim mandatima, osim po jednog mandata za općinsko vijeće općine u izbornim jedinicama Kupres (FBiH) i Kneževu, što će biti učinjeno u narednim procedurama a prije potvrđivanja izbornih rezultata.

Predsjednik CIK-a BiH Branko Petrić izjavio je da je SDA osvojio i najviše mandata u općinskim vijećima - 516, a slijede SNSD - 387, SDS - 323, SDP BiH - 312, HDZ BiH - 248, SBB BiH - 145, PDP - 122, DNS - 120, SBiH - 117, HDZ 1990 - 80, SP - 68, NSRzB - 67, HSP BiH - 44, te A-SDA sa 40 mandata.

Rezultati su objavljeni sinoć u 17:00 sati na internet stranici Centralne izborne komisije BiH, www.izbori.ba.





Načelničke pozicije po pripadnosti političkim strankama u Federaciji Bosne i Hercegovine su sljedeće:

Stranka demokratske akcije (SDA) – 36
Hrvatska demokratska zajednica BiH (HDZBiH) – 13
Socijaldemokratska partija BiH (SDP) – 10
Nezavisni kandidati – 5
Hrvatska demokratska zajednica 1990 (HDZ1990) – 3
Savez nezavisnih socijaldemokrata (SNSD) – 3
Savez za bolju budućnost BiH (SBBBiH) – 2
Stranka demokratske aktivnosti (A-sda) – 1
Hrvatska stranka prava BiH (HSPBiH) – 1
Socijaldemokratska Unija BiH (SDU BiH) – 1
Narodna stranka Radom za boljitak (NSRB) – 1
HDZ Koalicija za Ravno HDZBiH-HDZ1990 – 1
HDZ Koalicija za Tomislavgrad – 1

Utvrđeni izborni rezultati koje je objavio CIK BiH po općinama izgledaju ovako:

Banovići - Bego Birparić (SDA), **Bihać** - Emdžad Galijašević (SDA), **Bosanska Krupa** - Armin Halitović (SDP), **Bosanski Petrovac** - Zlatko Hujić (NEZAVISNI), **Bosansko Grahovo** - Uroš Makić (SNSD), **Breza** - Halil Tuzlić (NEZAVISNI), **Bugojno** - Hasan Ajkunić (NEZAVISNI), **Busovača** - Asim Mekić (SDA), **Bužim** - Agan Bunić (SDA), **Cazin** - Nermin Ogršević (A-SDA), **Centar Sarajevo** - Dževad Bećirević (SDP), **Čapljina** - dr. Smiljan Vidić (HDZBiH), **Čelić** - Sead Muminović (SDA), **Čitluk** - Ivo-Ino Jerkić (HDZBiH), **Doboj Istok** - Kemal Bratić (SDA), **Doboj Jug** - Jasminka Begić (SDP), **Dobretići** - Neven Idžanović (HSP), **Domaljevac** - Željko Josić (HDZ1990), **Donji Vakuf** - Huso Sušić (SDA), **Drvar** - Stevica Lukač (SNSD), **Foča-Ustikolina** - Zijad Kunovac (SDA), **Fojnica** - Salkan Merdžanić (SDA), **Glamoč** - Radovan Marković (SNSD), **Goražde** - Muhamed Ramović (SBBBiH), **Gornji Vakuf-Uskoplje** - Sead Čaušević-Čaki (SDA), **Gračanica** - Nusret Helić-Daso (SDP), **Gradačac** - Edis Dervišagić (SDP), **Grude** - Ljubo Grizelj (HDZBiH), **Hadžići** - Hamdo Ejubović (SDA), **Ilidža** - Senaid Memić (SDA), **Ilijaš** - Akif Fazlić (SDA), **Jablanica** - Salem Dedić (SDA), **Jajce** - Edin Hozan (SDA), **Kakanj** - Nermin Mandra (SDA), **Kalesija** - Rasim Omerović (SDA), **Kiseljak** - Mladen Mišurić-Ramljak (HDZBiH), **Kladanj** - Jusuf Čavkunović (SDU), **Ključ** - Zukanović Nedžad (SDP), **Konjic** - Emir Bubalo (SDA), **Kreševo** - Zdravko Miličević (NSRB), **Kupres** - Perica Romić (HDZBiH), **Livno** - Luka Čelan (HDZBiH), **Ljubuški** - Nevenko Barbarić (HDZBiH), **Lukavac** - Dževad Mujkić (SDA), **Maglaj** - Mehmed Mustabašić (SDA), **Neum** - dr. Živko Matuško (HDZBiH), **Novi Grad Sarajevo** - Semir Efendić (SDA), **Novi Travnik** - Refik Lendo (SDA), **Novo Sarajevo** - Nedžad Koldžo (SDA), **Odžak** - Hajrudin Hadžidedić (SDA), **Olovo** - Đemal Memagić (SDA), **Orašje** - Đuro Topić (HDZBiH), **Pale/Prača** - Asim Zec (SDA), **Posušje** - Branko Bago (HDZBiH), **Prozor/Rama** - dr. Jozo Ivančević (HDZ1990), **Ravno** - Andrija Šimunović (HDZ-HDZ1990), **Sanski Most** - Mustafa Avdagić (SDA), **Sapna** - Ismet Omerović (NEZAVISNI), **Srebrenik** - Sanel Buljubašić (SDP), **Stari Grad Sarajevo** - Ibrahim Hadžibajrić (SBBBiH), **Stolac** - Stjepan Bošković (HDZBiH), **Široki Brijeg** - Miro Kraljević (HDZBiH), **Teočak** - Taib Muminović (SDA), **Tešanj** - Suad Huskić (SDA), **Tomislavgrad** - Ivan Vukadin (HDZ Koalicija za Tomislavgrad), **Travnik** - Admir Hadžiemrić (SDA), **Trnovo** - Ibro Berilo (SDP), **Tuzla** - Jasmin Imamović (SDP), **Usora** - Ilija Nikić (HDZ1990), **Vareš** - Avdija Kovačević (SDA), **Velika Kladuša** - Behrić Edin (NEZAVISNI), **Visoko** - Amra Babić (SDA), **Vitez** - Adnan Akeljić (SDA), **Vogošća** - Edin Smajić (SDA), **Zavidovići** - Suad Omerašević (SDA), **Zenica** - Husejin Smajlović (SDA), **Žepče** - Mato Zovko (HDZBiH), **Živinice** - Hasan Muratović (SDP).

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eneca.ec.europa.eu

MEĐUOPĆINSKA SARADNJA MIKROREGIJE TEŠANJ-TEŠLIĆ-ŽEPČE

Na temelju potpisanog Sporazuma o međupćinskoj saradnji općina Tešanj, Teslić i Žepče i saradnje sa Njemačkim društvom za tehničku pomoć i međunarodnu saradnju GIZ, 30. oktobra/ listopada u Zenici je održan koordinacioni sastanak općinskih koordinatora projekta. Na sastanku je sagledana dinamika realizacije Analize lokacijskih prednosti mikroregije i pokrenute pripremne aktivnosti na realizaciji zaključne konferencije projekta "Jačanje lokalne samouprave-SLS", koja bi se trebala održati 28. i 29.11.2012. u Sarajevu. Prema riječima Doc.dr. Ismar Alagić, savjetnika Općinskog načelnika Općine Tešanj za pristup EU-fondovima i Općinskog koordinatora projekta međupćinske saradnje početkom novembra 2012. godine se očekuje završetak nacrt verzije Analize lokacijskih prednosti mikroregije Tešanj, Teslić i Žepče koja bi poslužila sa pripremu daljih aktivnosti na promociji lokacijskih prednosti mikroregije prema inostranim investitorima i poslovnim svijetu. Razgovarano je o načinima uspostavljanja kanala komunikacije sa ekonomskim odjelima ambasada visokorazvijenih država koje iskazuju interes za investiranje.



Sastanak općinskih koordinatora
- ZENICA, 31.10.2012

Savez / Zajedno za uređenu i razvijenu lokalnu samoupravu

DODIJELJENA FINANSIJSKA SREDSTVA OPĆINI BOSANSKI PETROVAC ZA IZGRADNJU DIJELA KANALIZACIONOG SISTEMA



Odlukom Upravnog odbora, odobren je prijedlog direktora Fonda za zaštitu okoliša Federacije Bosne i Hercegovine kojom se odobravaju sredstva općini Bosanski Petrovac.



Odobrena sredstva u iznosu od 150.000,00 KM su za sufinansiranje aktivnosti na realizaciji Projekta „Izgradnja istočnog dijela kanalizacione mreže Bosanski Petrovac“.

Općina Bosanski Petrovac je na osnovu Javnog konkursa za korištenje sredstava Fonda za zaštitu okoliša FBiH za realizaciju programa, projekata i sličnih aktivnosti iz područja zaštite okoliša za 2012. godinu kandidirala projekat pod nazivom „Izgradnja istočnog dijela kanalizacione mreže Bosanski Petrovac“ u okviru LOT 1 Programa 1 koji se odnosi na sufinansiranje programa, projekata i sličnih aktivnosti iz oblasti zaštite voda koji su od značaja za FBiH, a obuhvataju projekte kanalizacionih sistema i postrojenja za prečišćavanje otpadnih voda urbanih područja, odnosno regionalnih sistema.



Grb Općine Bosanski Petrovac

GRAD SARAJEVO ZVANIČNO PRIMLJEN U V FAZU MREŽE ZDRAVIH GRADOVA

SARAJEVO, 01. novembar/studeni

– Grad Sarajevo je prvi grad iz našeg regiona koji je zvanično primljen u V fazu mreže zdravih gradova Svjetske zdravstvene organizacije (SZO), navodi se na web stranici Grada Sarajeva. Tim povodom zasjedao je Odbor za koordinaciju aktivnosti na realizaciji Projekta „Sarajevo - zdravi grad – zdravlje za sve u 21. stoljeću“, kojim je predsjedavao zamjenik gradonačelnika Miroslav Živanović. Grad Sarajevo se ovom odlukom obavezao da bude radni partner Svjetskoj zdravstvenoj organizaciji u razvoju znanja, sredstava i ekspertiza za ključna pitanja unapređenja zdravlja i kvalitete života ljudi, posebno kad je riječ o stručnoj procjeni uticaja na zdravlje, te o zdravom urbanom planiranju i zdravom starenju.



Članovi Odbora su se dogovorili da je potrebno nastaviti sa realizacijom projekata koji su svojim efektima značajno uticali na poboljšanje zdravlja građanki i građana Sarajeva. Riječ je o Bolnici bez duhanskog dima u sklopu JU Opća bolnica Sarajevo, Centru za zdravo starenje i Centru za rani rast i razvoj u sarajevskim općinama Novo Sarajevo i Novi Grad, te o Projektu Grada Sarajeva koji se odnosi na unapređenje zdravlja djece i omladine u segmentu odgovarajuće ishrane i fizičke aktivnosti.

Na sjednici Odbora posebno je istaknut jedan od kapitalnih projekata Grada - Program pomoći porodicama/majkama sa djecom koji se već četiri godine uspješno realizuje iz sredstava Grada Sarajeva. Zaključeno je da bi trebalo nastaviti njegovu realizaciju te poduzeti određene aktivnosti na unapređenju brige o reproduktivnom zdravlju stanovništva, kao što su: integrativni pristup u oblasti zdravstvenog prosvjećivanja, socijalne politike i obrazovanja; informisati stanovništvo o značaju uspostavljanja banke i registra matičnih čelija; upotpuniti programe pripreme za porođaj sadržajima (poput vježbe disanja, kontrola mišićnih segmenata, priprema grudi za dojenje, metode ishrane novorođenčadi od najranije dobi do navršene tri godine); predložiti trudnicama prednosti prirodnog poroda, te moguće posljedice medicinski neindiceranih radikalnih intervencija poput carskog reza; te obezbijediti inspeksijski nadzor nad poslodavcima kako bi poštovali važeći zakon o radnim odnosima u pogledu prava na odsustvo u vezi sa rođenjem djeteta.

Naglašeno je da bi općine i Grad morali imati aktivniji odnos prema stvaranju uvjeta za zdraviji i kvalitetniji život svih grupa stanovništva, te podsticati međugeneracijsku solidarnost i razumijevanje, posebno kad je riječ o školskoj djeci i adolescentima, te osobama u trećoj dobi.

Grad Sarajevo je prvi grad iz našeg regiona koji je zvanično primljen u V fazu mreže zdravih gradova Svjetske zdravstvene organizacije



Grb Grada Sarajeva



Grb Općine Čapljina

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticpabc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Prema izvještaju
 ovlaštenih auditora
 Općina Hadžići je
 uspješno implementirala
 sistem upravljanja
 kvalitetom prema normi
 ISO 9001:2008.



Grb Općine Olovo

JKP ČAPLJINA DOBILLO KAMION SPECIJALIZIRAN ZA ODVOŽENJE OTPADA

ČAPLJINA, 17. oktobar/listopad – Reciklažno dvorište u Čapljini danas je dobilo teretno vozilo sa nadogradnjom marke 'Iveco' čime je kompletirana dostava ukupne opreme planirane trogodišnjim projektom "Sustavi upravljanja otpadom iz poduzeća".

Ciklus rada se sastoji u tome da se u Reciklažno dvorište dovozi razdvojeni, korisni otpad putem kamiona sa kiperskom nadogradnjom, koji po određenom rasporedu obilazi privredne subjekte, institucije i škole sa područja općine, ruralna naselja i druge. Dovezeni otpad se putem horizontalne prese – balirke HPB 25t, na transportnim trakama pregleda i putem prese sabija i balira na željenu zapreminu i težinu.

Sa novim kamionom znatno će biti poboljšana rad, kao i rezultati koji će se ogledati u većim količinama sakupljenog korisnog otpada, koji se na kraju predaje privrednim subjektima registriranim za komercijalizaciju korisnog otpada u BiH.

Kamion koji je danas došao u Čapljinu ima vrijednost 136.000 maraka, a načelniku dr. Smiljanu Vidiću predao ga je predstavnik Cospe-a, Giovanni Gravina.

Ovim je kompletirana dostava opreme za ovo reciklažno dvorište koja obuhvata: kamion, suvremenu presu za baliranje i 6 kontejnera.

Bitno je napomenuti da Reciklažno dvorište zapošljava 2 osobe koje su bile na evidenciji nezaposlenih u Općini Čapljina.

Glavni cilj ovog projekta je uspostaviti održivi mehanizam sabiranja, selektiranja i valorizacije korisnog krutog otpada, što treba da utiče na smanjene količina otpada, posebno korisnog otpada koji se odlaze na deponiju, a time i štedi odlagališni prostor i produžuje vijek trajanja deponije.

U OPĆINI HADŽIĆI PROVEDEN CERTIFIKACIJSKI AUDIT

HADŽIĆI, 18. oktobar/listopad – U Općini Hadžići danas je završen certifikacijski audit. Audit je vršila izabrana certifikacijska kuća "Bureau Veritas Croatia" d.o.o. Prema izvještaju ovlaštenih auditora Općina Hadžići je uspješno implementirala sistem upravljanja kvalitetom prema normi ISO 9001:2008. Predstavnici-auditori certifikacijske kuće su se veoma pohvalno izjasnili o stepenu i načinu na koji je norma ISO 9001:2008 primjenjena u Općini Hadžići. Prof.dr. Halil Gutušić kazao je kako sistem funkcioniše. Auditor nije našao



nikakve neusklađenosti. Uočeni su određene mogućnosti za poboljšanja i evidentirana u vidu opažanja (opservacija). Za godinu dana slijedi nadzorna posjeta od strane revizorske kuće „Bureau Veritas Croatia“. d.o.o.

U narednih 20 dana očekuje se formalno uručjenje sertifikata da Općina ispunjava zahtjeve norme ISO 9001:2008 u opsegu Javne usluge-lokalna uprava.

**ADAPTACIJA I DOGRADNJA DOMA KULTURE U OLOVU**

Općina Olovo i Fondacija za održivi razvoj OdRaz Sarajevo, dana 27. septembra/rujna, zaključili su Ugovor o realizaciji projekta „Adaptacija i dogradnja Doma kulture Olovo – Centar za kulturu i informisanje. Ugovorena vrijednost radova je 96.925,12 KM, od čega OdRaz finansira radove u vrijednosti od 85.000,00 KM, a Općina Olovo sa 11.925,12 KM. Projektnu dokumentaciju izradio je Projektni biro "Ambienta" Sarajevo.

Nakon provedenog postupka javne nabavke ugovor za izvođenje radova potpisan je sa preduzećem "Džena" d.o.o. Gradačac. Izvođač sa izvođenjem radova

otpočeo je 15.10.2012. godine. Rok za izvođenje radova je 60 dana.



OPĆINA BOSANSKA KRUPA I FONDACIJA MOZAIK POTPISALE MEMORANDUM O RAZUMJEVANJU

BOSANSKA KRUPA, 23. oktobar/listopad – Potpisivanje Memoranduma o razumijevanju između Općine Bosanska Krupa i Fondacije Mozaik pri realizaciji programa "Omladinske banke BiH" upriličen je danas u Kabinetu načelnika, navodi se na web stranici Općine Bosanska Krupa. Ovim činom osnovan je fond "Omladinske banke Bosanska Krupa" za projekte neformalnih grupa mladih koji osiguravaju Fondacija Mozaik od USAID-a i naravno općinski organ uprave. U ime Fondacije Mozaik, Memorandum je potpisala Vesna Bajšanski - Agić, izvršna direktorica, a s druge strane načelnik Armin Halitović. Potpisivanjem ovog memoranduma Fondacija i Općina potvrđuju da će partnerski doprinijeti razvoju "Omladinske banke Bosanska Krupa" kroz saradnju u svim fazama realizacije aktivnosti u periodu oktobar 2012. – februar 2015. godine.

Prema riječima izvršne direktorice Fondacije Mozaik Vesne Bajšanski – Agić, Program „Omladinske banke“ ima za cilj povećati sudjelovanje mladih u razvoju lokalnih zajednica kroz aktivnu ulogu u procesima donošenja odluka, te osigurati pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa.

Za potrebe direktnih troškova aktivnosti "Omladinske banke" u toku dvije godine Fondacija će obezbijediti iznos do 14.500 KM. Zajednički fond za projekte neformalnih grupa u iznosu do 26.750 KM obezbijedit će Mozaik (do 12.500) iz vlastitih izbora i od donatora USAID-a i Općina (do 15.000 KM). Zahvaljujući specifičnom pristupu programa banke, ukupna vrijednost projekata neformalnih grupa mladih u općini u dvije godine će iznositi najmanje 53.500 KM. Od početka 2008. do kraja 2011. godine Fondacija „Mozaik“ osnovala je 17 omladinskih banaka koje su podržale ukupno 416 projekata mladih vrijednih 1.609.308 KM.

Program „Omladinske banke“ u martu 2012. godine, uz podršku Američke razvojne agencije (USAID), proširio se na još deset općina, dok će u 2013. godini na još pet među kojima je i Bosanska Krupa.



Grb Općine Bosanska Krupa

ukupna vrijednost projekata neformalnih grupa mladih u općini u dvije godine će iznositi najmanje 53.500 KM.



**FONDACIJA
ZA RAZVOJ
ZAJEDNICA**

U periodu 2012.-2014. godine, Omladinske banke podržat će oko 600-800 projekata mladih, uglavnom u ruralnim sredinama, u vrijednosti oko 2.500.000 KM, za koje će sredstva osigurati Fondacija Mozaik iz sredstava USAID-a i vlastitih izvora, partnerske Općine i neformalne grupe mladih u svojim zajednicama kroz mobilizaciju

lokalnih resursa.

BRČKO DISTRIKT BiH ZAPOČEO REALIZACIJU PROJEKTA PREVENCIJE I BORBE PROTIV KORUPCIJE

Vlada Brčko distrikta BiH nedavno je započela aktivnosti na planu prevencije i borbe protiv korupcije pod sloganom „Mi to nećemo u našoj kući“.

Aktivnosti će trajati dva mjeseca i imat će niz različitih sadržaja te javnu kampanju putem lokalnih televizijskih i radio stanica, informativnih internet portala, zvanične web stranice Vlade Brčko distrikta www.bdcentral.net, društvenih mreža, bilborda i sl.

Cilj kampanje je uključivanje svih zaposlenih u javnoj upravi Vlade Brčko distrikta BiH kao direktnih aktera, kao i unapređenje institucionalnog okvira za borbu protiv korupcije. S tim u vezi, na službene e-mail adrese više od 1.000 zaposlenih u javnoj upravi 24. oktobra je iz Vladinog Sektora za informisanje upućen e-mail koji sadrži letak o projektu. Letak, između ostalog, sadrži pregled dosadašnjih aktivnosti Vlade Distrikta za borbu protiv korupcije te rezultate istraživanja provedenog u Brčkom s mišljenjem građana o zastupljenosti ove pojave.

Jedan od strateških ciljeva kampanje jeste informisati široku i poslovnu javnost o važnosti borbe protiv korupcije, te uključivanje svih zaposlenih u javnoj upravi Brčko distrikta BiH, jer zaposleni u javnoj upravi su ambasadori njenog ugleda te imaju izuzetno važnu ulogu u iskorjenjivanju ove negativne pojave iz svojih redova.

**MITO
NEĆEMO
U NAŠOJ KUĆI**

PRIJAVITE SVAKI OBLIK KORUPCIJE
217 717



Brčko distrikt BiH
Distrikt odgovorne javne uprave

promo naljenica



Grb Općine Stari Grad Sarajevo



Grb Grada Kragujevca

BRATIMILI SE OPĆINA STARI GRAD SARAJEVO I GRAD KRAGUJEVAC

Sporazum o bratimljenju Općine Stari Grad Sarajevo i Grada Kragujevca, potpisali su u nedjelju (21. oktobra/listopada) načelnik Ibrahim Hadžibajrić i gradonačelnik Kragujevca Veroljub Stevanović. Sporazumom je najavljena tijesna i prijateljska saradnja kao nastavak razvijenih kontakata u proteklom periodu između Kragujevca i Starog Grada, sa težnjom da se dosadašnji odnosi dalje produbljaju.

U znak sjećanja na 21. oktobar 1941. godine, kada je više hiljada nevinih građana, učenika i djece strijeljano od strane njemačkih fašista, Grad Kragujevac svake godine organizuje komemorativne i antiratne programe posvećene njegovanju kulture mira.

Povodom obilježavanja 71. godišnjice od ovog tragičnog događaja i dana sjećanja na sve žrtve u Drugom svjetskom ratu, u posjeti Kragujevcu boravila je i delegacija Starog Grada koju su činili načelnik Ibrahim Hadžibajrić i predsjednik Upravnog odbora SABNOR-a Kantona Sarajevo, Ibrahim Čović.

Naša delegacija je posjetila i Spomen park 'Šumarice', gdje se okupilo oko 100 000 ljudi, građana Srbije i prijateljskih pobratimskih gradova Kragujevca.

Zahvaljujući Sporazumu o bratimljenju Starog Grada i Kragujevca, uspostaviti će se jače veze između ovih lokalnih zajednica, s posebnim akcentom na razvoj privrede, unapređenja turizma, kulture, sporta, te ekonomske razmjene i izrade projekata.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelsmmed.com
www.eacea.ec.europa.eu

Projekat je regionalnog karaktera i realizuje se u četiri grada - Kotor, Kraljevo, Mostar i Niš. Također, cilj konferencije je informisanje o dobrim praksama i mogućnostima na evropskom nivou, kao i planiranje buduće saradnje uključenih gradova na unapređenju ravnopravnosti žena i muškaraca na lokalnom nivou.

REGIONALNA SARADNJA I SPROVOĐENJE EVROPSKE POVELJE ZA RAVNOPRAVNOST ŽENA I MUŠKARACA NA LOKALNOM NIVOU



Skup "Regionalna saradnja i sprovođenje Evropske povelje za ravnopravnost žena i muškaraca na lokalnom nivou" koji organizuje grupa partnerskih udruženja iz Srbije, Crne Gore i Bosne i Hercegovine, uz podršku švedske organizacije Kvinna till Kvinna, italijanske asocijacije Tavolo Trentino con i Balcani i Evropske komisije, održava se danas, 02.11.2012. godine u Mostaru, u Hotelu Bristol. Ovaj skup predstavlja završnu regionalnu konferenciju projekta "Promocija Evropske povelje o ravnopravnosti žena i muškaraca na lokalnom nivou". Projekat je regionalnog karaktera i realizuje se u četiri grada - Kotor, Kraljevo, Mostar i Niš.

Završna konferencija ima za cilj razmjenu iskustava u procesu uvođenja rodne ravnopravnosti u lokalne politike putem kreiranja lokalnih akcionih planova ravnopravnosti. Također, cilj konferencije je informisanje o dobrim praksama i mogućnostima na evropskom nivou, kao i planiranje buduće saradnje uključenih gradova na unapređenju ravnopravnosti žena i muškaraca na lokalnom nivou.

Konferenciji će prisustvovati predstavnici/e lokalnih vlasti iz četiri uključena grada (Kotor, Kraljevo, Mostar i Niš - GO Medijana), uključujući tijela za unapređenje rodne ravnopravnosti sa lokalnog i nacionalnog nivoa, kao i nevladine organizacije. Doprinos u razmjeni informacija i iskustava lokalnih uprava zemalja Evropske unije daće i panelisti/kinje iz Italije i Švedske, i međunarodne partnerske nevladine organizacije Kvinna till Kvinna. Ukupno će biti oko 50 učesnika i učesnica konferencije.





CRNA GORA UŠLA U PROGRAM 'EVROPA ZA GRAĐANE'



Education and Culture DG

'Europe for Citizens' Programme

Memorandum o razumijevanju o učešću u programu

Ovo znači da će svi aplikanti moći aplicirati sa svojim projektnim idejama sa partnerima iz Crne Gore i Srbije na naredni rok koji se zatvara 01. februara/veljače 2013. godine.

Bitno je napomenuti, da pored partnera iz neke od susjednih zemalja (Hrvatske, Srbije i Crne Gore), da bi ispunili uslove za apliciranje obavezno je imati partnera iz Evropske unije.

U decembru su u planu aktivnosti info dana i radionica za program Evropa za građane o čemu će općine biti blagovremeno informisane.

Memorandum o razumijevanju o učešću u programu 'Evropa za građane', 24. oktobra/listopada 2012. godine potpisala je i Crna Gora te od tog datuma ravnopravno učestvuje u Programu. To znači da svi aplikanti na ovaj program za partnera mogu imati i partnere iz Crne Gore.

Također, Srbija je završila pregovore oko pristupa programu, te postoje određene indicije da će potpisati

U decembru su u planu aktivnosti info dana i radionica za program Evropa za građane o čemu će općine biti blagovremeno informisane.



Zastava Crne Gore

MEĐUNARODNA KONFERENCIJA: BUDUĆNOST FISKALNE DECENTRALIZACIJE U JUGOISTOČNOJ EVROPI

Podgorica, 29. oktobar/listopad – Da li je fiskalna decentralizacija glavna strategija za zamlje jugoistočne Evrope u suočavanju sa finansijskim izazovima i za povećanjem investicija u lokalnu zajednicu? Koja su otvorena pitanja vezana za proces fiskalne decentralizacije u cijeloj regiji? Gdje i kako će zemlje u budućnosti usmjeriti fiskalnu decentralizaciju?

Ovo su neke od tema koje se razmatraju na Međunarodnoj konferenciji: Budućnost fiskalne decentralizacije u jugoistočnoj Evropi, koja se održava 1.-2. novembra 2012. godine u Budvi, Crna Gora.

Konferenciju organizira Mreža lokalnih i regionalnih vlasti jugoistočne Evrope (NALAS) u partnerstvu sa Ministarstvom finansija Crne Gore i Unijom općina Crne Gore.

Konferencija se odnosi na preuzimanje obaveza zemalja jugoistočne Evrope u implementiranju principa Evropske povelje o lokalnoj samoupravi. S tim u vezi, na konferenciji će se raspravljati, strategizirati i razvijati dublje razumijevanje izazova i mogućnosti s kojima se suočava regija u pronalaženju pravih načina za financiranje projekata i aktivnosti održivog lokalnog razvoja.

Konferencija okuplja više od 100 učesnika: predstavnike ministarstava finansija, načelnike i gradonačelnike, asocijacije lokalnih vlasti, istraživače, ekonomiste, i dr. Od konferencije se očekuje da će potaknuti regionalni međuvladin dijalog o međuvladinim programima finansiranja i mehanizmima za jačanje fiskalne decentralizacije u jugoistočnoj Evropi.



Konferenciju organizira
Mreža lokalnih i
regionalnih vlasti
jugoistočne Evrope
(NALAS) u partnerstvu sa
Ministarstvom finansija
Crne Gore i Unijom općina
Crne Gore.

MEĐUNARODNA KONFERENCIJA I RADIONICA O JAVNO-PRIVATNOM PARTNERSTVU U TRANSPORTU I PUTNOJ INFRASTRUKTURI

22 – 23. novembar, Płock, Poljska

Međunarodni centar za lokalni razvoj (CIFAL), Program Ujedinjenih naroda za obuku i istraživanje (UNITAR) i Općina Płock organiziraju međunarodnu konferenciju i radionicu o javno-privatnom partnerstvu u transportu i putnoj infrastrukturi koja će se održati 22. i 23. novembra/studenog 2012 u Płocku, Poljska.

CIFAL je globalna mreža za razvoj kapaciteta za postizanje održive urbanizacije u kontekstu sve veće odgovornosti lokalnih vlasti na osiguranju uslova da svi građani imaju jednak pristup uslugama.



Grb Općine Płock



Od 2004 Cifal Plock je organizirao više međunarodnih događaja posvećene temama kao što su: obrazovanje za okoliš, urbani izazovi, javno-privatno partnerstvo ili upravljanje vodama za stručnjake iz srednje i istočne Evrope. Svaki događaj je forum za profesionalnu razmjenu znanja i vještina postignut zahvaljujući jedinstveno razvijenoj "City-Share" metodologiji.



Cilj konferencije o javno-privatnom partnerstvu u transportu i putnoj infrastrukturi je predstaviti mogućnosti za transport, koji je jedan od najvažnijih faktora ekonomskog razvoja u Srednjoj i Istočnoj Evropi. Sudionici će imati priliku naučiti kako razviti uspješan projekt, te naučiti o pravnom, finansijskom i tehničkom okviru za JPP. Svaki sudionik će dobiti prestižan Certifikat o završenom kursu.

Učešće na kursu je besplatno, bez troškova registracije. Organizatori sponzoriraju troškove u vezi sa konferencijom, kao što su: dva noćenja, ishrana, material i lokalni prevoz na relaciji Varšava-Plock-Varšava.

Krajnji rok za registraciju je 5. novembar/studen 2012.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbib-bih-mne.org
www.srb-bih.org
www.cbib-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

LAF STUDY TOUR ON SUSTAINABLE URBAN MOBILITY

Evropska komisija organizira studijsku posjetu Briselu iz oblasti održive urbane pokretljivosti (LAF Study Tour on Sustainable urban mobility), koje će trajati od 17-19 decembra/prosinca 2012. godine.

Cilj studijskog putovanja je pružiti priliku za upoznavanje lokalnih i regionalnih predstavnika sa EU inicijativom u urbanoj pokretljivosti. Također, učesnici će imati priliku da razmjene svoja iskustva sa kolegama iz zemalja EU.

Studijsko putovanje je namijenjeno učesnicima sa područja Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija). Maksimalno šest sudionika iz svake od zemalja može učestovati.

Krajnji rok za dostavu aplikacija je 15. novembar/studen 2012. godine.

Molimo Vas da zainteresovani svoje aplikacije šalju putem e-maila: DELEGATION-BIH-TAIX@ec.europa.eu

Prva kontrola pristiglih prijava bit će provedena od strane EU Delegacije u BiH, a konačna selekcija pristiglih aplikacija bit će provedena od strane Generalnog Direktorata za proširenje sa voditeljima EUD Programa. Izabrani kandidati će biti direkto kontaktirani od Generalnog Direktorata za proširenje, zbog čega je potrebno da u aplikaciji obavezno navedete direktni broj telefona.

Troškove studijskog putovanja u cijelosti pokriva organizator.

Aplikacija treba da sadrži popunjen prijavni formular, pismo interesa i CV.


Jezik studijskog putovanja je engleski. Dakle, aktivno znanje engleskog jezika je preduslov za učesnike, s obzirom da će svaki pojedinačni učesnik biti aktivno uključen kroz rad u radionicama. Odabrani kandidati iz BiH će morati pripremiti prezentaciju o bh. urbanoj mobilnosti u trajanju od 5-7 minuta.

Ovo studijsko putovanje se organizira za sudionike koji ranije nisu pohađali LAF događaj.

U slučaju da imate bilo koja pitanja u vezi sa aplikacijom, molim Vas kontaktirajte gđu. Esmiru Kesana na:

esmira.KESAN@ec.europa.eu

Prijavni obrazac i nacrt programa mogu naći na web stranici Saveza općina i gradova federacije Bosne i Hercegovine <http://www.sogfbih.ba/> u sektoru VIJESTI od 25.10.2012. godine.



Studijsko putovanje je namijenjeno učesnicima sa područja Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija). Maksimalno šest sudionika iz svake od zemalja može učestovati.



**Savez općina i gradova Federacije
Bosne i Hercegovine**

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nadite nas na facebook-u



POSJETITE NAS NA WEB-U

www.sogfbih.ba

LAF STUDY TOUR ON CONSERVATION OF CULTURAL HERITAGE

Evropska komisija organizira studijsku posjetu Briselu iz oblasti zaštite kulturne baštine (LAF Study Tour on Conservation of Cultural heritage), koje će trajati od 10-12 decembra/prosinca 2012. godine.

Cilj studijskog putovanja je pružiti priliku za upoznavanje lokalnih i regionalnih predstavnika s očuvanjem kulturne baštine, te EU zakonodavstvom i praksama iz ove oblasti. Također, imat će priliku da razmjene svoja iskustva sa kolegama iz zemalja EU. Studijsko putovanje je namijenjeno učesnicima sa područja Zapadnog Balkana (Albanija, Bosna i Hercegovina, Hrvatska, Kosovo, Makedonija, Crna Gora i Srbija). Maksimalno šest sudionika iz svake od zemalja može učestovati. **Krajnji rok za dostavu aplikacija je 09. novembar/studen 2012. godine.**

Molimo Vas da zainteresovani svoje aplikacije šalju putem e-maila: DELEGATION-BIH-TAIX@eeas.europa.eu

Prva kontrola pristiglih prijava bit će provedena od strane EU Delegacije u BiH, a konačna selekcija pristiglih aplikacija bit će provedena od strane Generalnog Direktorata za proširenje sa voditeljima EUD Programa. Izabrani kandidati će biti direkto kontaktirani od Generalnog Direktorata za proširenje, zbog čega je potrebno da u aplikaciji obavezno navedete direktni broj telefona.

Troškove studijskog putovanja u cijelosti pokriva organizator.

Aplikacija treba da sadrži popunjen prijavi formular, pismo interesa i CV.

Jezik studijskog putovanja je engleski. Dakle, aktivno znanje engleskog jezika je preduslov za učesnike, s obzirom da će svaki pojedinačni učesnik biti aktivno uključen kroz rad u radionicama.

U slučaju da imate bilo koja pitanja u vezi sa aplikacijom, molim Vas kontaktirajte gđu. Esmiru Kesan na: esmira.KEGAN@eeas.europa.eu

Prijavni obrazac i nacrt programa mogu naći na web stranici Saveza općina i gradova federacije Bosne i Hercegovine http://www.sogfbih.ba/u_sektoru_VIJESTI_od_22.10.2012 godine.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

Cilj studijskog putovanja je pružiti priliku za upoznavanje lokalnih i regionalnih predstavnika s očuvanjem kulturne baštine, te EU zakonodavstvom i praksama iz ove oblasti.

